

(4)
De Judicio super Libertatibus Dunelm. in Manum Regis

captis admullato.

RYMERS *Fœdera* Vol. 8 p. 572. Pat. 10 H. 4. p. 1. m. 5. A. D. 1409

REX Omnibus, ad quos &c. Salutem. INSPEXIMUS Processum, Modum et Causam Captionis Libertatum Venerabilis Patris *Antho. (Beke) Dunolmensis Episcopi* et Hominum suorum, Ecclesiam ejusdem Episcopi tangentium, per *Hugonem de Cressingham* et Socios suos Justiciarios Domini *Ed.* quondam Regis Angliæ Progenitoris nostri nuper Itinerantes in Comitatu Northumbriæ, in manum præfati Progenitoris nostri;

Quas quidem Libertates dictus Progenitor noster eidem nuper Episcopo replegiari fecit usque ad Quindénam Sancti Michaelis tunc proximo futuram; Et quos quidem Processum Modum et Causam, idem Progenitor noster coram Se et Concilio suo ad Parliamentum suum apud Londoniam in Manerio Archiepiscopi Eborum, anno Regni ipsius Progenitoris nostri vicesimo primo, tentum certis de Causis venire, et ibidem coram eis discuti et terminari fecit,

In hæc Verba,

PLACITA coram H. de Cressingham et Sociis suis Justiciariis Domini Regis Itinerantibus, apud Novum Castrum super Tynam in Comitatu Northumbriæ, in Crastino Sancti Hillarii, Anno Regni Regis *Ed. Filii Regis Hen. XXI.* A. D. 1293.

NORTHUMBR. ff.

CUM Vicecomes hic testaretur juxta formam Statuti Glocestriæ, quod plures Magnates et alii in Comitatu isto utuntur diversis Libertatibus quas nondum clamaverunt hic &c.

Inde plenius certiorari volentes, diligenter inde inquisiverunt tam

per

per XII Juratores Corporis Comitatus citra *Coket* &c.

Qui quidem Juratores adinvicem sociati &c. PRÆSENTANT Quid Episcopus Dunelmensis solet per Ballivos suos obviare Justiciariis Itineraturis hic in adventu suo infra Comitatum istum apud *Chilewell* vel apud *Fourstanes* vel apud *Quakendebrigge* (videlicet) per quam illarum partium contingeret Justiciarii venire &c. Et postea venire coram eis hic apud *Novum-Castrum* primo die Itineris, et tam in Obviatione Justiciariorum, quam hic petere a præfatis Justiciariis Articulos Coronæ placitandos hic in Itinere &c. et sic fecerunt omnes Episcopi Prædecessores ipsius Episcopi a tempore quo non extat memoria, usque ad tempus *Roberti de Insula* quondam Episcopi Dunelmensis ultimi Prædecessoris ipsius Episcopi qui in ultimo Itinere hic ab hujusmodi Petitione se subtraxit.

Et habet Cancellarium suum, et per Brevia sua, et per Justiciarios suos proprios placitat in Libertatibus suis *Dunelm. Sadberg, et Bedlington*, quæ sunt infra Præcinctum Com. citra *Coket*, et similiter in Libertate sua de *Norham*, quæ est infra Præcinctum Com. ultra *Coket* omnia Placita, &c.

Et habet Monetarium suum apud *Dunelm.*

Habet etiam Coronatores suos infra Libertates suas, videlicet, Unum apud *Sadberg*, et Tres in Tribus Wardis Libertatis *Dunelm.* et unum apud *Bedlington*, et unum apud *Norham*.

Et statim post Iter finitum hic solet Episcopus per Justiciarios suos apud *Dunelm.* placitare omnia Placita Coronæ ejusdem Libertatis et similiter omnia alia Placita per legem Angliæ et per Articulos ei liberatos &c. et postea continue in aliis Libertatibus suis prædictis &c.

Habet etiam Furcas apud *Dunelm.* et apud *Norham*, et utitur ibi *Infangenethef* et *Utfangenethef*.

Idem Episcopus habet Mercatum et Feream apud *Dunelm.* et similiter apud *Derlington*, et similiter apud *Norham*.



Et

Et placitat apud *Norham* omnia Placita Coronæ de *Quindena* in *Quindenam*, vel de tribus *Septimanis* in tres *Septimanas* pro voluntate sua.

Et ponit *Hōminēs* in exigendis et eos facit exigi de *Sex Septimanis* in *Sex Septimanas* quousque fuerint *Utlagati* si non comparuerint &c. et si *Utlagati* redierint, idem *Episcopus* pro voluntate sua concedit eis suam *Pacem*, &c.

Idem *Episcopus* de novo levavit *Warennam* apud *Twēdemuth* ubi nunquam solet esse *Warennā*, set omnes *Vicini* et *Homines Patriæ* solebant ibi fugare pro voluntate sua &c.

Idem *Episcopus* concedit *Warennam* cuicumque voluerit infra *Libertates* suas prædictas, et *Ballivi* sui capiunt ad *Caput Pontis* de *Berewyk* omnes *Homines* venientes cum *Lanis*, *Coriis*, vel *Pellibus* vendendis sine *Signo* quod vocatur *Coket*, et *Mercandisas* illas sciunt ad *Opus Episcopi* tanquam *Forisfactas*, &c.

ITEM, *diversi Magnates* et alii infra prædictas *Libertates* prædicti *Episcopi* utuntur *diversis Libertatibus* &c. videlicet *Prior Dunelm* habet *Infangenethes* per totam terram suam infra prædictas *Libertates*, et capit *Medietatem Catallorum Felonum Dampnatorum* in *Curia* sua &c. capit etiam *Emendas Assisæ Panis* et *Carnesiæ fractæ* in *Elmete* et *Medietatem de Wrek* quod evenit super *Terram* suam, &c.

ITEM, *Johannes Rex Scotie* habet apud *Castrum Bernardi* infra prædictas *Libertates* &c. *Mercatum*, *Feream*, *Pillor*. et *Tumberell*, *Furcas* et *Infangenethes*, et capit *Catalla Felonum Dampnatorum* in *Curia* sua.

Et habet ibi *Liberam Chaceam* et *Leberam Warennam* in omnibus *Terris* suis in *Libertate* prædicti *Episcopi*.

ITEM, *Agnes de Valencia* habet *Furcas* et *Infangenethes* apud *Genford* in *Libertate* prædicti *Episcopi*, et capit *Catalla Felonum Dampnatorum* in *Curia* &c. et habet *Warennam* in *Terris* suis, &c.

ITEM

ITEM, *Robertus de Brus* habet apud *Hertepol* in Libertate prædicti Episcopi Mercatum et Feream et Emendas Affisæ Panis et Cervisiæ fractæ, et omnes Libertates quæ ad Feriam et Mercatum pertinent; et Portum Maris, et capit ibi Killagium, scilicet de qualibet Navi cum Batello applicante ibi, octo Denarios. et de qualibet Navi sine Batello quatuor Denarios, et capit ibi Prisas Piscium, &c.

ITEM, *Ranulphus de Nevill* habet liberam Chaceam et liberam Warennam in Libertate prædicti Episcopi apud *Brauncepath* &c.

ITEM, *Robertus de Hilton*, et similiter *Wycharus de Charum*, et similiter *Johannes Marmeduk*, et similiter *Henricus de Insula*, et similiter *Walterus de Wyssingdon*, et etiam *Johannes de Guldeford*, habent Warennam in omnibus Terris suis infra Libertatem prædicti Episcopi, &c.

ITEM, *Johannes de Graystok* habet apud *Cunoischyne* Furcas et Infangenethef et Catalla Felonum Dampnatorum in Curia sua ibidem infra prædictam Libertatem, &c. et habet Warennam in omnibus Terris suis ibidem, &c.

PRÆSENTANT etiam, Quod Episcopus Dunelm. habet talem Libertatem, quod si quis Hominum suorum captus sit in Corpore Comitatus Northumbriæ ad Sectam alicujus de Libertate ipsius Episcopi, Ballivus prædicti Episcopi replegiat ipsum, ad habendum ipsum ad Marchiam, videlicet, inter Corpus Comitatus et Norham, in quodam loco qui vocatur *Holdenburn*, et ibidem stabit Legi: Et si aliquis de Corpore Comitatus Northumbriæ captus sit in Libertate de Norham ad Sectam alicujus de Corpore Comitatus prædicti, Vicecomes Northumbriæ eodem modo replegiat ipsum, et in prædicto loco stabit Legi, &c. ut prædictum est.

ET totus Comitatus similiter recordatur, Quod omnes Episcopi Dunelm. a tempore quo non extat memoria, continue venire solebant per Ballivos suos obviam præfatis Justiciariis Itinerantibus hic in primo Ingressu suo in istum Comitatum, ad aliquem prædictorum
Trium

Trium locorum et ibi petere Articulus Coronæ in forma prædicta et postea hic in primo die Itineris &c. usque ad tempus *Roberti de Insula* nuper Episcopi Dunelm. proximi Prædecessoris prædicti Episcopi qui tempore Domini Regis nunc in Itinere *J. de Vallibus* et Sociorum suorum Justiciariorum ultimo Itinerantium hic a Petitione prædictorum Articulorum se subtraxit.

ET dicunt quod quidem eorum recolunt quod quidam *Nicholas de Farnham* quondam Episcopus Dunelm. in Itinere Abbatis de Burgo Sancti Petri hic tempore Domini *Hen. Regis* Patris Domini Regis nunc,

ET postea *Walterus de Kyrkham* quondam Episcopus Dunelm. tempore ejusdem Domini *Hen. Regis* in Itinere *R. de Thurkilby* hic,

ET postea quidam *Robertus de Stichehill* quondam Episcopus Dunelm. tempore ejusdem Domini *Hen. Regis* in Itinere *G. de Preston* hic miserunt Ballivos vel Senescallos suos ad petendum Articulus &c. in forma prædicta.

ET etiam per Inspectionem Rotulorum ultimi Itineris hic, Compertum est quod per totum Comitatum tunc fuit recordatum quod *Rex Scotie*, *Archiepiscopus Eborum*, *Episcopus Dunelm.* & *Gilbertus de Umframvill* per Ballivos suos debent obviare prædictis Justiciariis et petere Articulus Coronæ in forma prædicta &c.

ET quia tam per Juratores quam per Recordum Comitatus, Compertum est quod omnes prædictæ Libertates et loca in quibus prædictis Libertatibus utuntur &c. sunt infra Præcinctum istius Comitatus &c.

ET Vicecomes testatur, quod per totam Ballivam suam publice et solempniter fecit proclamari secundum quod continetur in Brevi de Comuni Summonitione Itineris, et secundum formam Statuti Gloucestriz de hujusmodi Libertatibus clamandis, provisi &c.

ET prædictus Episcopus non clamavit hic primo die Itineris
Libertates

Libertates suas prædictas, nec adhuc eas clamat, nec prædicti Prior et alii Tenentes prædicti Episcopi Libertates suas prædictas quibus usi sunt quæ omnia sunt infra Præcinctum Comitatus istius sicut prædictum est primo die Itineris clamaverunt, nec adhuc eas clamant.

Consideratum est quod omnes prædictæ Libertates capiantur in Manum Domini Regis nomine Districcionis, ita quod Episcopus et alii Libertatibus illis non utantur quousque venerint ad replegiandum Libertates illas et Domino Regi inde respondendum.

Et præceptum est Vicecomiti quod illas capiat in forma prædicta &c.

POSTEA in Crastino Sanctæ Trinitatis proximo sequens, Vicecomes t statur quod cepit Libertates prædictas in forma prædicta &c.

ET prædictus Episcopus modo supplicavit ipsi Domino Regi et Concilio suo instanter, quod prædicta Processus et Recordum coram eis recitarentur et examinarentur et Errores in eisdem contenti pro Se et Ecclesia sua Dunelm. prout justum fuerit et secundum Legem et Consuetudinem Regni, Emendarentur.

Dixit enim quod præfatus Hen. et Socii sui Justiciarii Domini Regis Itinerantes in Comitatu Northumbriæ ad Captionem Libertatis ipsius Episcopi Ecclesiæ suæ et Hominum suorum infra Libertatem suam Dunelm. in Manum Domini Regis absque Auctoritate aliqua, Fines etiam potestatis suæ excedendo, minus rite processerunt,

Et hoc tam per Statutum Gloucestriæ a quo Originem Judicii sui captionis prædictæ sumpserunt, quam per alias Rationes per quas Judicium suum colorayerunt et affirmaverunt manifeste patet,

Continetur enim expresse in illo Statuto Gloucestriæ, ac etiam in Brevi de Comuni Summonitione Itinerum, quod omnes illi qui Libertates aliquas infra Comitatus in quo Justiciarii Domini Regis sunt Itineraturi, habere clamant, quod primo die Itineris coram eisdem Justiciariis Libertates illas clamant.

Et

Et super hoc in Proclamatione Itineris illius Comitatus, mandatur Vicecomiti in eodem Brevi juxta formam prædicti Statuti, quod sic per totam Ballivam suam publice proclamari faciat,

Unde cum placitum sit et a tempore quo non extat memoria omnibus de partibus illis et etiam de Regno isto manifestum et notorium, quod Vicecomes Northumbriæ non est Vicecomes Dunelm. nec infra eandem Libertatem ut Vicecomes unquam intravit, nec aliquid quod ad Officium Vicecomitis pertinet infra eandem Libertatem Dunelm. five in prædictis locis de *Norham Bedlington* et *Sadberge* (quæ sunt de eadem Libertate) exercuit, nec Proclamationes Summonitiones aut Attachamenta aliqua ibidem fecit, nec ad ipsum pertinet faciendum;

Nec ipse Dominus Rex aut Ministri sui quicumque in aliquo se habent intrmittere infra Libertatem prædictam five locis prædictis nisi tempore Vacationis Episcopatus prædicti,

Nec Justiciarii prædicti ratione Waranti sui Fines Comitatus in quo sunt Itinerantes, possunt aut debent excedere, aut ratione Itineris sui in uno Comitatu auctoritatem Vicecomiti illius Comitatus attribuere, quod in alio Comitatu Officium Vicecomitis exerceat,

Nec Proclamatione Itineris Comitatus Northumbriæ per Vicecomitem illius Comitatus facta ulterius se extendit quam in Balliva sua, nec dici poterit quod ipse aliquam Proclamationem fieri fecit prout nec debuit infra Libertatem Dunelm. seu loca prædicta,

Et Justiciarii præfati ratione Proclamationis per Vicecomitem Northumbriæ factæ in Balliva sua ceperunt Libertates ipsius Episcopi Ecclesiæ suæ et Hominum suorum infra Libertatem prædictam et Loca prædicta existentium in manum Domini Regis;

Et quæ quidem Libertates non sunt infra potestatem seu Ballivam prædicti Vicecomitis, immo omnino extra;

Videbatur ipsi Episcopo quod sibi et Ecclesiæ per Judicium prædictum

prædictum in hoc injuriatur.

Præterea dixit quod ipse Episcopus et omnes Prædecessores sui Episcopi Dunelm. a tempore quo non extat memoria omnia Jura Regalia et omnes Libertates Regales infra Libertatem suam prædictam Dunelm. et loca prædicta integre habuerunt et exercuerunt, videlicet, *Cancellariam et Cancellarium* suum, Brevia sua de eadem Cancellaria per totam Libertatem et Loca prædicta emanentia, *Justiciarios* suos proprios, *Vicecomitem*, *Coronatores*, et alios Ministros Coronæ et Pacis per ipsos Episcopos assignandos pro voluntate sua a tempore Conquestus Angliæ et antea, et sic hucusque absque interruptione aliqua usi fuerint, ut de Jure et libertate Ecclesiæ suæ Sancti Cudberti Dunelm.

Et Petiit quod Dominus Rex et ejus Concilium, habito respectu ad Præmissa, factum Justiciariorum prædictorum ut sibi videbatur Eronium, præcipere vellent revocare et emendare;

Et quia recitatis prædictis Processu et Recordo coram præfatis Justiciariis habitis, et etiam auditis et intellectis rationibus prædicti Episcopi coram ipso Domino Rege et Concilio suo, videlicet, quod ad captionem Libertatum prædictarum prædicti Episcopi, Ecclesiæ suæ, et Hominum suorum infra Libertatem Dunelm. et Loca prædicta de *Norham et Bedlington et Sadberge* minus rite et absque Warranto et Errore interveniente processum est, prout tam per Recordum prædictum per præfatos Justiciarios Domini Regis missum, quam per rationes prædicti Episcopi ad Recordum illud adnullandum propositas, evidenter patet;

Et licet Vicecomes prædictus Northumbriæ coram Justiciariis prædictis testatus fuit prout in prædicto Recordo continetur, quod publice proclamari fecit per totam Ballivam suam Præceptum Domini Regis, contentum in Brevis de Communi Summonitione Itineris Comitatus prædicti, sibi directo, non propter hoc intelligendum est quod

quod ipse Proclamationem aliquam fecit aut fecisse debuit nisi in Ballivā suā, et ubi Potestas suā se extendebat, nec dici potest, quod Potestas Vicecomitis Northumbriæ se extendit infra Libertatem Episcopi Dunolmenfis, ubi idem Episcopus Vicecomitem suum proprium habet nec super tali Testimonio suo de re aliqua extra Ballivam et Potestatem suam existente, Judicium fieri debuisset cum testimonium suum in hoc non fuit admittendum;

Consideratum est per ipsum Regem et Concilium, quod Judicium prædictum Revocetur et Adnulletur, et quod omnes Libertates prædicti Episcopi Ecclesiæ suæ et Hominum suorum, quæ per considerationem Justiciariorum Itinerantium prædictorum in manum Domini Regis captæ fuerunt eidem Episcopo Ecclesiæ et Hominibus suis plenarie et integre restituantur; HABENDÆ ET TENENDÆ Sibi et Ecclesiæ, sicut Ipse et Prædecessores sui Episcopi Dunelm. eas tenuerunt ante Captionem prædictam, salvo semper Jure Domini Regis et Hæredum suorum cum inde loqui voluerit &c.

Et Præceptum est Vicecomiti Northumbriæ &c. quod eidem Episcopo Libertates suas Restituat in forma prædicta &c.

Nos autem Tenores Processus, Modi, Causæ, Discussionis, et Terminationis prædictorum ad Requisitionem Venerabilis Patris *Thomæ (Langley)* nunc Episcopi Loci prædicti duximus exemplificandos per præsentēs.

In cujus &c. Teste Rege apud Westmonasterium *Nono die Martii 1409.*

De Restitutione Temporalium Tho: Langle Epif. Dunelm.

RYMER's *Fœdera* Vol. 8. p. 448. Pat. 7. Hen. 4. p. 2. m. 3. A. D. 1406.

REX Escaetori suo in Comitatu Midds. Salutem.

Cum Dominus *Summus Pontifex* Ecclesiæ Dunolmenfi nuper vacanti per mortem *Walteri Skirlawe* ultimi Episcopi ejusdem Loci, de Persona, prædilecti Clerici nostri *Thome Langle*, Clerici Dunolmenfis providerit, ipsumque in Episcopum Loci illius præfecerit et pastorem, sicut per Literas Bullatas ipsius Domini Summi Pontificis, nobis inde directas, nobis constat,

Nos, Pro eo quod idem Episcopus omnibus et singulis verbis, in dictis Literis Bullatis contentis, nobis et Coronæ nostræ præjudicialibus, coram nobis renunciaverit, et Gratia nostræ humiliter se submisit, Volentes cum eo in hac parte agere gratiose;

Cepimus Fidelitatem ipsius Præfecti, et Temporalia Episcopatus illius, prout moris est, restituimus eidem; Et ideo tibi præcipimus, quod eidem Præfecto Temporalia prædicta cum Pertinentiis in Balliva tua liberes in forma prædicta.

Teste Rege apud *Westmonasterium* ix die *Augusti*. 1406

Per Breve de Privato Sigillo.

Confimilia Brevia diriguntur Escaetoribus subscriptis, sub eadem data; videlicet,

Escaetori Regis in Com. Eborum.

Escaetori Regis in Com. Lincoln.

Escaetori Regis in Com. Northumbr.